

## BASES REGULADORAS DO PROGRAMA +CONCILIA BARREIROS

### Artigo 1. Obxecto e ámbito de aplicación.

As presentes bases teñen por obxecto regular o proceso de selección para a participación no Programa +Concilia Barreiros, favorecendo a conciliación familiar nos períodos escolares non lectivos que abranguen os meses de xuño, xullo, agosto e setembro.

### Artigo 2. Persoas destinatarias.

Este programa está dirixido a nenos e nenas nados do 01/01/2012 ao 31/12/2020.

### Artigo 3. Datas de celebración e localización das actividades.

Desenvolverase nos días laborais dos seguintes períodos:

- +Concilia Xuño: do 24 o 28 de xuño
- Campamentos de verán: do 1 de xullo do 2024 ata o 31 de agosto do 2024, en quendas de 15 días naturais:

Quenda 1: Do 1 ao 15 de xullo do 2024.

Quenda 2: Do 16 ao 31 de xullo do 2024.

Quenda 3: Do 1 ao 14 de agosto do 2024.

Quenda 4: Do 16 ao 31 de agosto do 2024.

- +Concilia Setembro: do 2 o 6 de setembro.

As actividades serán no CEIP San Cosme de Barreiros, aínda que de forma puntual e atendendo ao requirimento das actividades programadas farase uso doutros espazos ou instalacións próximas no termo municipal (comunicándoo ás familias coa suficiente antelación e coa localización exacta).

### Artigo 4. Horario.

O horario será de 9:30h. a 13:30 h., de luns a venres laborais.

Para aquelas familias que por motivo exclusivo de conciliación precisen traer ás súas crianzas antes do comezo das actividades, amplíase o horario de entrada de 9:00 a 9:30, neste tempo as crianzas serán custodiadas e vixiadas pero non terán actividades programadas.

### Artigo 5. Prazas ofertadas.

Ofértase un total de 50 prazas para cada un dos períodos ou quendas.

No suposto de quedar prazas libres tralos chamamentos das listas de agarda, quedará



aberta a inscrición dende a finalización dos trámites que se recollen nestas bases, outorgándose as prazas segundo a orde de inscrición (por entrada en rexistro).

Para tramitar novas inscricións, finalizado o prazo establecido de trámites e as listas de agarda, deberase consultar previamente no concello a disposición de prazas libres na quenda ou período de preferencia.

### **Artigo 6. Baixas e renuncias á praza adxudicada.**

No caso de desexar formalizar a baixa dunha crianza, comunicarase no rexistro do Concello de Barreiros por escrito. So se procederá á devolución da taxa, tras solicitude, se a baixa se formaliza previo inicio da quenda que corresponda. Unha vez iniciada a quenda do campamento de verán non se procederá á devolución da taxa por baixa dunha crianza, asista ou non as actividades.

Para aqueles casos nos que algunha das crianzas admitidas nalgún dos períodos ou quendas non asista ás actividades durante máis de dous días seguidos e a familia non comunique a súa ausencia, o concello comunicarlle telefonicamente a baixa de oficio do programa, pasando automaticamente o final da lista de agarda nos restantes períodos nos que estivese inscrita (xuño, xullo, agosto e setembro), e cubrindo dita praza coas persoas da lista de agarda. Neste caso non se procedera á devolución das taxas abonadas.

### **Artigo 7. Taxa.**

A asistencia aos períodos de actividades de xuño e setembro será gratuíta.

O prezo das quendas dos meses de xullo e agosto será de:

- 10 euros para crianzas censadas no Concello de Barreiros, crianzas non censadas pero que algún dos proxenitores traballe nunha empresa con sede fiscal no Concello de Barreiros ou crianzas que asisten a un CEIP da localidade (CEIP San Cosme de Barreiros ou CEIP San Miguel de Reinante).
- 20 euros para crianzas non censadas no Concello de Barreiros.

Exención de taxa para aqueles casos que así se valoren dende os Servizos Sociais do Concello. No caso de que a persoa solicitante considere que pola súa escaseza de recursos ou dificultades económicas ten que acollerse á exención de taxa, deberá solicitar cita previa con Servizos Sociais para que o valoren.

No caso de ser chamada unha crianza da lista de agarda ou incorporarse por existencia de prazas libres (tras consulta coa persoa técnica responsable) deberase aboar a taxa completa da quenda.

### **Artigo 8. Perfil e criterios de selección das persoas destinatarias.**

Para a selección das crianzas participantes teranse en conta as circunstancias familiares, tales como as cargas familiares das persoas solicitantes, as mulleres solicitantes vítimas de violencia de xénero en todas as súas manifestacións, as familias monoparentais e monomarentais, a situación laboral dos proxenitores que se atopen a cargo do/a menor e o empadramento do/da participante.



Se nalgunha das quendas ofertadas hai máis solicitudes que prazas dispoñibles, establecerase o seguinte baremo para a selección das persoas destinatarias:

- Crianza empadroada no Concello de Barreiros, a data anterior ao 01 de xaneiro do 2024: **30 puntos**
- Algún dos proxenitores da crianza non censada que traballa nunha empresa con sede fiscal no Concello de Barreiros ou crianza que asiste a un CEIP da localidade (CEIP San Cosme de Barreiros ou CEIP San Miguel de Reinante): **10 puntos**
- Traballan os dous/dúas proxenitores/ras ou titores/as legais: **9 puntos.**
- Traballa un/unha só/soa dos/das proxenitores/ras ou titores legais: **8 puntos.**
- Familias monomarentais e monoparentais (co certificado acreditativo do organismo correspondente): **7 puntos**
- Nai ou titora legal solicitante vítima de violencia de xénero: **6 puntos**
- Familias con título de familia numerosa: **1 punto**

Nos casos de empates, estes resolveranse segundo a orde de rexistro de entrada da solicitude.

### **Artigo 9. Presentación de documentación.**

As persoas interesadas deberán achegar a solicitude de admisión, que será a declaración responsable sobre a documentación e situacións familiares tidas en conta no baremo (Anexo I). Non se admitirá ningunha solicitude presentada nun modelo diferente ao oficial facilitado pola entidade organizadora (Concello de Barreiros) nin fóra dos prazos establecidos.

A información que non estea cuberta na propia solicitude non se terá en conta para o baremo, valorándose ese aspecto con 0 puntos.

O concello de Barreiros poderá requirir aleatoriamente a documentación acreditativa manifestada na declaración responsable coa finalidade de comprobar os datos, así mesmo poderá facer as comprobacións oportunas no caso de presentar alegacións e/ou reclamacións por parte doutra ou outras unidades familiares.

No caso de detectarse algunha falsidade na declaración presentada, a crianza quedará automaticamente excluída das actividades +Concilia (Xuño, Xullo, Agosto e Setembro) organizadas polo Concello de Barreiros.

Unha vez publicada a listaxe definitiva de crianzas admitidas e no prazo de cinco días, os solicitantes de quendas de xullo e agosto deberán presentar no rexistro do concello o xustificante de pago das quendas nas que finalmente se vaian inscribir, acompañado do modelo facilitado polo concello para que quede constancias das quendas que finalmente solicitant

Deberá facerse unha transferencia por cada crianza, indicando o nome da mesma:



Entidade bancaria: ABANCA

Nº Conta para o ingreso: ES55 2080 0142 9031 1000 0019

### **Artigo 10. Trámites e prazos.**

Todos os trámites realizaranse nas oficinas municipais, de 9:30 h. a 14:00 h., ou a través da sede electrónica do Concello de Barreiros ata ás 14:00 h. do último día do prazo correspondente.

Os prazos son os seguintes:

- Solicitude de admisión: Dende a publicación destas bases ata o 7 de xuño.
- Publicación da lista provisional de admisión en cada quenda: 12 de xuño.
- Reclamacións: 13 e 14 de xuño.
- Publicación da lista definitiva de admitidos/as e lista de agarda en cada quenda: 17 de xuño.
- Pago das quendas: ata o 24 de xuño.
- Chamamento da lista de agarda: a partir do 25 de xuño segundo dispoñibilidade de prazos.

